

ივანე  
ჯავახიშვილის  
სახელობის  
თბილისის  
სახელმწიფო  
უნივერსიტეტის  
გაზეთი  
გამოდის  
1927 წლიდან



80-3 88.

რა კითხვა  
სტუდენტთა  
დასაქმების  
ხელშეწყობის  
მიზნით



ბიუჯეტის

# უნივერსიტეტი

16

იანვარი, პარასკევი, 2009 წ.

№1 (2083)

## წარმომადგენლობითმა საბჭომ თბილისის სახელმწიფო უნივერსიტეტის 2009 წლის ბიუჯეტი დაამტკიცა



29 დეკემბერს ივანე ჯავახიშვილის სახელობის თბილისის სახელმწიფო უნივერსიტეტის წარმომადგენლობითი საბჭოს სხდომა გაიმართა, რომელსაც თსუ-ის რექტორი გიორგი ხუბუა, აკადემიური და წარმომადგენლობითი საბჭოების წევრები, უნივერსიტეტის ადმინისტრაციის წარმომადგენლები და პროფესორ-მასწავლებლები ესწრებოდნენ. წარმომადგენლობითი საბჭოს სხდომის დღის წესრიგში გათვალისწინებული იყო: ივანე ჯავახიშვილის სახელობის თბილისის სახელმწიფო უნივერსიტეტის 2009 წლის ბიუჯეტის დამტკიცება, უნივერსიტეტის ადმინისტრაციის სტრუქტურაში ცვლილებების შეტანა, ქალაქ თბილისში ზანდუკელის №16-ში არსებული ეკონომიკის საერთაშორისო სკოლისთვის კვების ობიექტის მოწყობის მიზნით ფართის იჯარით გაცემა, უნივერსიტეტის სამედიცინო პოლიმერული მასალების საგანმანათლებლო-სამეცნიერო ინსტიტუტის შექმნა და ამ ინსტიტუტის დებულების დამტკიცება, ასევე, ფაკულტეტების საბჭოების ფორმირების წესის დამტკიცება.

დღის წესრიგის დამტკიცების შემდეგ ადმინისტრაციის ხელმძღვანელმა გულნაზ გალდავამ წარმომადგენლობითი საბჭოს უნივერსიტეტის 2009 წლის ბიუჯეტის პროექტი დასამტკიცებლად წარუდგინა.

ადმინისტრაციის ხელმძღვანელმა აღნიშნა, რომ თსუ-ის ადმინისტრაციას 2008 წლის განმავლობაში საქართველოს კანონით „უმაღლესი განათლების შესახებ“ განსაზღვრული ყველა სამართლებრივი ვალდებულება შეს-



რულებული აქვს. 2009 წლის ბიუჯეტის წარდგენა 2008 წლის ბოლო ვალდებულებაა. რაც შეეხება ადმინისტრაციის ხელმძღვანელის წლიურ ანგარიშს, წარმომადგენლობითი საბჭო მას მარტში მოისმენს, როგორც ეს კანონითაა გათვალისწინებული. ქალბატონმა გულნაზ გალდავამ საზგასმით აღნიშნა, რომ ბიუჯეტის ფორმირების პროცესი ბოლო ორი წელია საჯარო გახდა. მასში ჩართულნი არიან არა მხოლოდ საფინანსო სფეროს წარმომადგენლები, არამედ სტუდენტობაც. „ძველი პერიოდისგან განსხვავებით, ბიუჯეტი ხელმისაწვდომია ყველა დაინტერესებული პირისთვის, მათ შორის სტუდენტებისთვისაც. მათ შეუძლიათ ნებისმიერ მუხლთან დაკავშირებით დასვან შეკითხვა, ნებისმიერ ხარჯთან დაკავშირებით მოითხოვონ გან-

მარტება. მათთვის, ინფორმაციის მიღების თვალსაზრისით, კარგია ხსნილია“, — განაცხადა გულნაზ გალდავამ. 2009 წლის ბიუჯეტი პროცენტულად ასე გამოიყურება: შრომის ანაზღაურებაზე განსაზღვრულია მისი 73%, კომუნალურ გადასახადებზე — 7%, სავალდებულო გადასახადებზე — 5%. ამდენად, უნივერსიტეტის ფუნქციონირებისთვის აუცილებელ, გადაუდებელ ღონისძიებათა ხარჯები დანახარჯების საერთო მოცულობაში სულ შეადგენს 85%-ს. ადმინისტრაციის ხელმძღვანელმა, გულნაზ გალდავამ მუხლობრივად განიხილა 2009 წლის ბიუჯეტი, რომელიც წარმომადგენლობითმა საბჭომ ერთხმად დაამტკიცა. წარმოგიდგენთ ბიუჯეტს.

80-2 გვირგვინი

რუსეთისმცოდნეობა — ახალი სამაგისტრო პროგრამა თსუ-ში

80-4 გვირგვინი

საქართველოს დანაწევრების ბრძოლი გზა

80-5 გვირგვინი

ისტორიის ახლებური ხედვა — ისტორიის დარგის სერიოზული ინოვაციის დასაწყისი

80-7 გვირგვინი

თსუ-ის გუნდი გავიდა უმაღლეს სასწავლებლებს შორის პროგრამირებაში მსოფლიო ჩემპიონატის ფინალში

80-10 გვირგვინი

ევგენი ხარაძის დაბადებიდან 100 წლისთავისადმი მიძღვნილი საიუბილეო საღამო გაიმართა

80-11 გვირგვინი

ჩვენ, როგორც არგონავტებმა, ვიმოგზაურეთ ისტორიაში და ბერძნული ფენომენისკენ გზამკვლევის საპატიო როლი შევასრულეთ

80-14 გვირგვინი

## თსუ-ში საქართველოს კათოლიკოს-პატრიარქის სახელობის სტიპენდია დანესდა

ივანე ჯავახიშვილის სახელობის თბილისის სახელმწიფო უნივერსიტეტში ახალი ტრადიცია დამკვიდრდა. სრულიად საქართველოს კათოლიკოს-პატრიარქის, უწმიდესისა და უნეტარესის ილია მეორის სახელობის სტიპენდია ყოველწლიურად ჰუმანიტარულ მეცნიერებათა ფაკულტეტის ერთ საუკეთესო სტუდენტს გადაეცემა, რომელსაც უნივერსიტეტისა და საპატრიარქოს წარმომადგენლები ერთობლივად შეარჩევენ. კათოლიკოს-პატრიარქის სახელობის სტიპენდიანტი ამ საპატიო ჯილდოს მფლობელი ერთი წლის განმავლობაში იქნება და ყოველწლიურად 200 ლარის ოდენობის თანხას მიიღებს. სრულიად საქართველოს კათოლიკოს-პატრიარქის, უწმიდესისა და უნეტარესის ილია მეორის სახელობის სტიპენდია პირველივე წელს გამოწვევის სახით ჰუმანიტარულ მეცნიერებათა ფაკულტეტის ორ დოქტორანტს გადაეცა. თორემ საუკეთესო სამეცნიერო კვლევების შეფასების საფუძველზე ლერი თავაძე და მიაი დანელია შეარჩია.

ნათო მუხომბე  
სრულიად საქართველოს კათოლიკოს-პატრიარქის ილია მე-

ორის სახელობის სტიპენდიანტების დაჯილდოება 30 დეკემბერს საპატრიარქოში გაიმართა. ჰუმანიტარულ მეცნიერებათა ფაკულ-

ტეტის დოქტორანტები ლერი თავაძე და მიაი დანელია საპატრიარქოში თავად უწმიდესმა მიიღო და სტიპენდიების მიღება მიულოცა. ილია მეორემ სტიპენდიანტებს სახსოვრად ვერცხლის სამაჯურებიც გადასცა, რომელზეც უფლისაღმბი ვედრება „უფალო შეგვიწყალებ“ არის ამოტიფრული. სრულიად საქართველოს კათოლიკოს-პატრიარქის ილია მეორის სახელობის სტიპენდია ივანე ჯავახიშვილის სახელობის თბილისის სახელმწიფო უნივერსიტეტში პირველად დანესდა. თსუ-ის პროფესორ-მასწავლებლების და სასულიერო პირების განცხადებით, პატრიარქის სტი-

პენდიის მიღება უდიდესი პატივი და მაღლია, რომელიც სტიპენდიანტს დამატებით პასუხისმგებლობასა და მოვალეობას აკისრებს. „სიმათლე გითხრათ, არ ველოდი, რომ კათოლიკოს-პატრიარქის სტიპენდიანტი გავხდებოდი, რადგან საკუთარ შესაძლებლობებში დარწმუნებული არ ვიყავი. 30 დეკემბერი ჩემს ცხოვრებაში უბედნიერესი დღე იყო. უფრო მეტად სასიხარულოა ის ფაქტი, რომ ჩვენ პატრიარქის სახელობის პირველი სტიპენდიანტები ვართ“, — განაცხადა დოქტორანტმა მიაი დანელიამ.

80-2 გვირგვინი

### ივანე ჯავახიშვილის სახელობის თბილისის სახელმწიფო უნივერსიტეტის 2009 წლის ბიუჯეტი

მოსალოდნელი შემოსავალი - 29 853 377 ლარი

ასიგნებების დასახელება	კოდი	შეტი	2009 წელი
სულ ასიგნებები (I+II)			29 853 377
მომუშავეთა რიცხოვნობა		1 425	
ძირითად შტატზე მომუშავე		1 425	
<b>I ხარჯები</b>	2		<b>28 641 391</b>
<b>შრომის ანაზღაურება</b>	21		<b>13 705 405</b>
ხელფასები	211		13 705 405
ხელფასები ფულადი ფორმით	2111		13 705 405
თანამდებობრივი სარგო	21111		13 405 405
<b>საქონელი და მომსახურება</b>	22		<b>13 403 723</b>
შტატგარეშე მომუშავეთა ანაზღაურება	221		7 199 399
მივლინებები	222		777 302
ოფისის ხარჯები	223		3 270 075
წარმომადგენლობითი ხარჯები	224		309 000
რბილი ინვენტარის, უნიფორმისა და პირადი პიტიუნის საგნების შეძენის ხარჯები	227		20 000
ტრანსპორტისა და ტექნიკის ექსპლუატაციისა და მოვლა-შენახვის ხარჯები	228		150 000
სხვა დანარჩენი საქონელი და მომსახურება	2210		1 677 947
სოციალური უზრუნველყოფა	27		20 000
დამპირაველების მიერ გაწეული სოციალური დახმარება	273		20 000
ფულადი ფორმით	27311		20 000
<b>სხვა ხარჯები</b>	28		<b>1 512 263</b>
სხვადასხვა ხარჯები	282		1 512 263
მიმდინარე	2821		1 512 263
<b>II არაფინანსური აქტივები</b>	31		<b>919 764</b>
<b>ძირითადი აქტივები</b>	311		<b>919 764</b>
შენობა-ნაგებობები	3111		200 000
არასაკონსტრუქციო შენობები	31112		200 000
მ.შ. შენობა-ნაგებობების კაპიტალური რემონტი			200 000
მანქანა-დანადგარები	3112		496 764
სხვა მანქანა-დანადგარები	31122		496 764
სხვა ძირითადი აქტივები	3113		223 000
არამატერიალური ძირითადი აქტივები	31132		223 000
გარდასაღები ნაშთი			292 222

### დღის წესრიგით გათვალისწინებული რა საკითხები დაამტკიცა წარმომადგენლობითმა საბჭომ?

წარმომადგენლობითი საბჭოს სხდომაზე, რომელიც 29 დეკემბერს გაიმართა, ადმინისტრაციის ხელმძღვანელმა გულნაზ გალდავამ ადმინისტრაციის სტრუქტურაში ცვლილებების პროექტი წარმოადგინა. 2009 წლის სასწავლო, სამეცნიერო-კვლევითი საქმიანობისა და მენეჯმენტის განხორციელების გაუმჯობესების მიზნით საჭირო გახდა გარკვეული ცვლილებების შეტანა უნივერსიტეტის ადმინისტრაციის სტრუქტურაში, სახელდობრ: დამოუკიდებელ სტრუქტურულ ერთეულად ჩამოყალიბდება: აკადემიური განვითარებისა და უწყვეტი განათლების ცენტრი, საგამოცდო ცენტრი და საინფორმაციო ტექნოლოგიების მომსახურების ცენტრი; მონიტორინგის სამსახური ჩამოყალიბდება როგორც მონიტორინგის დეპარტამენტი; მატერიალური რესურსების მართვის დეპარტამენტში სამშენებლო-სარემონტო საქსპლუატაციო განყოფილების ნაცვლად შეიქმნება ექსპლუატაციის განყოფილება; კანცელარიის დამატება კანცელარიის უფროსის მოადგილის სამშტატო ერთეული; ეკონომიკისა და ბიზნესის ფაკულტეტზე შეიქმნება საზოგადოებასთან ურთიერთობის სამსახური, რომლისთვისაც გამოიყოფა მასწავლებლის 5 საშტატო ერთეული. ადმინისტრაციის ხელმძღვანელის გულნაზ გალდავას მხრიდან ადმინისტრაციის სტრუქტურაში აღნიშნული ცვლილებების შეტანის აუცილებლობის დასაბუთების შემდეგ წარმომადგენლობითმა საბჭომ ცვლილებები დაამტკიცა. საბჭომ, ასევე, ერთხელ მიიღო გადაწყვეტილება კვების ობიექტის მონაწილის მიზნით ეკონომიკის საერთაშორისო სკოლისთვის ქალაქ თბილისში, ზანდუკელის №16-ში არსებული 89.6 კვ.მ და 112 კვ.მ ფართობის იჯარით გაცემის თაობაზე.

წარმომადგენლობითი საბჭოს სრულმა შემადგენლობამ მხარი დაუჭირა ივანე ჯავახიშვილის სახელობის თბილისის სახელმ-

წიფო უნივერსიტეტის სამედიცინო პოლიმერული მასალების საგანმანათლებლო-სამეცნიერო ინსტიტუტის შექმნას და ერთხელ დაამტკიცა ამ ინსტიტუტის დებულება. თბილისის სახელმწიფო უნივერსიტეტის რექტორმა, გიორგი ხუბუამ დამსწრე საზოგადოებას თსუ-ის სამედიცინო პოლიმერული მასალების საგანმანათლებლო-სამეცნიერო ინსტიტუტის ხელმძღვანელი რამაზ ქაცარავა წარუდგინა და აღნიშნა:

„მოხარული ვარ, რომ ტექნიკური უნივერსიტეტის ინსტიტუტი თუ ლაბორატორია უნივერსიტეტში გააგრძელდეს საქმიანობას. ეს იქნება ინტერდისციპლინარული ცენტრი, რომელიც დააინტერესებს მედიკოსებს, ქიმიკოსებს, ბიოლოგებს და ა.შ. გარდა ამისა, გათვალისწინებული გვაქვს სწავლების შექმნაც — ეს არის პირველი შემთხვევა, როდესაც მეცნიერებას უწინდებლად კომერციალიზაციის პერსპექტივა. ეს პოლიტიკა უნივერსიტეტში გაგრძელდება. უნივერსიტეტში საინტერესო ხალხი მაქსიმალურად უნდა მოვიზიდოთ. ამ შემთხვევაში ბატონი რამაზ ქაცარავა, რომელიც სამედიცინო პოლიმერული მასალების საგანმანათლებლო-სამეცნიერო ინსტიტუტს უხელმძღვანელებს, ჩვენთან ტექნიკური უნივერსიტეტიდან მოვიწვიეთ. მას უნივერსიტეტში ხვდება ფუნდამენტური კვლევების ატმოსფერო. დარწმუნებული ვარ, ეს მოგვცემს პოზიტიურ შედეგს, ამიტომაც გადაწყვიტეთ, რომ ამ ინსტიტუტისთვის საუნივერსიტეტო სტატუსი მივცვა. მასში თუ რამეს ჩადებს უნივერსიტეტი, ეს იქნება ერთგვარი ინვესტიცია იმ თვალსაზრისით, რომ იქ ჩადებული ერთმა თეთრმა აუცილებლად უნდა მოგვცეს დიდი მოგება“, — განაცხადა რექტორმა გიორგი ხუბუამ.

სხდომის ბოლოს წარმომადგენლობითმა საბჭომ ფაკულტეტების საბჭოების ფორმირების წესი დაამტკიცა.

## თსუ-ში საქართველოს კათოლიკოს-პატრიარქის სახელობის სტიპენდია დაწესდა

### პირველი გვირგვინი

თსუ-ის პროფესორ-მასწავლებლებისა და სასულიერო პირებისგან შემდგარმა ჟიურმა დოქტორანტი სამეცნიერო კვლევების, სწავლის პროცესში ჩატარებული კონფერენციების და გამოქვეყნებული ნაშრომების მიხედვით შეაფასა. აღსანიშნავია მათი რელიგიისადმი დამოკიდებულებაც. სწორედ ამ თვისებების გამო შეაჩერა სპეციალურმა ჟიურმა მათზე არჩევანი.

ივანე ჯავახიშვილის სახელობის თბილისის სახელმწიფო უნივერსიტეტში პატრიარქის სახელობის სტიპენდიის დაწესების მნიშვნელობის შესახებ თსუ-ის რექტორმა გიორგი ხუბუამაც ისაუბრა:

„პირველ ქართულ უნივერსიტეტში საქართველოს კათოლიკოს პატრიარქის სახელობის სტიპენდიის დაწესებით ჩვენ გვინდოდა აგველნიშნა ის განსაკუთრებული დამოკიდებულება, რაც მის უწმიდესობას უნივერსიტეტთან აკავშირებს. მოხარული ვარ, რომ ილია მეორის ლოცვა-კურთხევით ჩვენ საშუალება მოგვცა დაგვეჯილდოებინა ჰუმანიტარულ მეცნიერებათა ფაკულტეტის გამორჩეული სტუდენტები. ივანე ჯავახიშვილის სახელობის თბილისის სახელმწიფო უნივერსიტეტში ყალიბდებიან არა მარტო კარგ სპეციალისტებად, არამედ, უპირველესად, კარგ პიროვნებადაც. ამდენად, უნივერსიტეტში სულიერების თემა განსაკუთრებულ ყურადღებას უნდა იმსახურებდეს და, ამ მხრივ, თსუ-ში კათოლიკოს-პატრიარქის სახელობის სტიპენდიის დაწესება წინ გადადგმული ნაბიჯია“, — განაცხადა რექტორმა.

თსუ-ის პროფესორ-მასწავლებლებისა და საპატრიარქოს წარმომადგენლების შეხვედრაზე საქართველოში არსებული პოლიტიკური ვითარების შესახებაც ისაუბრეს. სრულიად საქართველოს კათოლიკოს-პატრიარქმა ილია მეორემ ქართულ საზოგადოებას მიმართა და სიძლიერისა და ლოცვისაკენ მოუწოდა.

„ჩვენ ისტორიის რთულ პერიოდში ცხოვრობთ. ქართველ ხალხს დიდი სიმძიმე დაწვა — თითქოს ვეღარ ვხედავთ მომავალს, მაგრამ ეს არ არის სწორი მიდგომა. ღვთის მადლით საქართველოს მომავალი აქვს, თუ ჩვენ პრობლემებს ბრძნული გადაწყვეტილებებით მივუდგებით და მოვაგვარებთ. შე საქართველოს გამთლიანების იმედი რუსეთის პრეზიდენტთან დიმიტრი მედვედევთან შეხვედრის შემდეგ გამიჩნდა. საქართველოს გამთლიანების კენ მიმავალი გზები არსებობს, ქვეყნის ტერიტორიული მთლიანობის აღდგენის პროცესი უკვე დაწყებულია და მასში მონაწილეობა ჩვენც უნდა მივიღოთ. ეს საჭიროა იმისათვის, რომ საქართველოს გამთლიანების პროცესი გაგრძელდეს და ბოლომდე მივიდეს. ღმერთმა დაგლოცოთ“, — ბრძანა საპატრიარქოში გამართულ შეხვედრაზე უწმიდესმა და უნეტარესმა, სრულიად საქართველოს კათოლიკოს-პატრიარქმა ილია მეორემ.

უწმიდესმა სტიპენდიანტებს და მონვეულ სტუდენტებს მისი სასულიერო სასწავლებელში სწავლის პერიოდის შესახებ რამდენიმე ისტორიაც მოუთხრო და აღნიშნა, რომ თითოეულ ადამიანში არსებობს ნიჭი, რომელსაც ხელის შეწყობა და საზრდოობა სჭირდება, რათა შემდგომ იგი ქვეყნისა და რელიგიის სასიკეთოდ გამოიყენოს. უწმიდესმა სახელობით სტიპენდიანტებს



ნაყოფიერი სამეცნიერო მოღვაწეობისკენ მოუწოდა.

„უდიდესი სიხარული, მაღლი, საკუთარი საქმისადმი მეტი პასუხისმგებლობა და სიყვარული, სწავლის სტიმული“ — ასე შეაფასეს მიღებული ჯილდოს მნიშვნელობა თავად სტიპენდიანტებმა. მათთვის მიღებული სტიპენდია მოულოდნელი იყო, პატრიარქთან

შეხვედრის ნუთები კი უბედნიერესი. საპატრიარქოში გამართულ დაჯილდოების ცერემონიაზე ილია მეორემ საჩუქრები მონვეულ სტუდენტებსაც გადასცა. უნივერსიტეტის პროფესორ-მასწავლებლებს პატრიარქმა მისი საავტორო წიგნი „მზიანი ღამე“ უსახსოვრა.







# ქართული კონფლიქტის მიმართული სტუდენტების გამოცდა კონფლიქტის ზონაში ჩააბარეს

ივანე ჯავახიშვილის სახელობის თბილისის სახელმწიფო უნივერსიტეტის სოციალურ და პოლიტიკურ მეცნიერებათა ფაკულტეტის ქართული კონფლიქტის მიმართული სტუდენტების გამოცდა საგანში — „კონფლიქტების გაშუქება“ ქართულ-ოსური კონფლიქტის ზონაში ჩააბარეს. ინციდენტის ლექტორ ნინო ჟიჟიაშვილს ეკუთვნოდა. სტუდენტებმა კარაღით, ტყვიასა და გორში აგვისტოს მოვლენების დროს დაბომბილი სახლები მოინახულეს და ადგილობრივ მოსახლეობას გაესაუბრნენ. რუსული აგრესიის შესახებ დაწვრილებითი ინფორმაციის მისაღებად და დევნილების ყოფის პირადად გასაცნობად მომავალი ქართული სტუდენტები წეროვანისა და შავშვების ახალ დასახლებებსაც ესტუმრნენ. თსუ-ის ქართული კონფლიქტის მიმართული სტუდენტებისთვის პრაქტიკული სამუშაო თეორიულ სწავლებაზე გაცილებით საინტერესო აღმოჩნდა.

## ნათო მობლაძე

თსუ-ის სოციალურ და პოლიტიკურ მეცნიერებათა ფაკულტეტის ქართული კონფლიქტის მიმართული სტუდენტების გამოცდა საგანში — „კონფლიქტების გაშუქება“ ქართულ-ოსური კონფლიქტის ზონაში ჩააბარეს. ინციდენტის ლექტორ ნინო ჟიჟიაშვილს ეკუთვნოდა. სტუდენტებმა კარაღით, ტყვიასა და გორში აგვისტოს მოვლენების დროს დაბომბილი სახლები მოინახულეს და ადგილობრივ მოსახლეობას გაესაუბრნენ. რუსული აგრესიის შესახებ დაწვრილებითი ინფორმაციის მისაღებად და დევნილების ყოფის პირადად გასაცნობად მომავალი ქართული სტუდენტები წეროვანისა და შავშვების ახალ დასახლებებსაც ესტუმრნენ. თსუ-ის ქართული კონფლიქტის მიმართული სტუდენტებისთვის პრაქტიკული სამუშაო თეორიულ სწავლებაზე გაცილებით საინტერესო აღმოჩნდა.

ვენციის დროს კონფლიქტის ზონაში ქართული მედიის მუშაობის ხარისხით, ომის დროს გადაწყვეტილებების მიხედვით არსებული ვითარებით დაინტერესდნენ. გორის რაიონის ნაომარ სოფლებში სტუდენტებმა 2008 წლის პირველი სემესტრის განმავლობაში მიღებული თეორიული ცოდნა პრაქტიკაში პირველად გამოიყენეს.

„სამუშაო თემად აგვისტოს მოვლენების დროს დაზარალებული ბავშვებისა და მოხუცების ისტორია ავირჩიე, რადგან ვფიქრობ, რომ, მათი ასაკიდან გამომდინარე, ყველაზე დაუცველები არიან. ველოდი, რომ კარაღით-სა და ტყვიავით მუშაობა გაცილებით რთული იქნებოდა, თუმცა ადგილობრივი მაცხოვრებლები ძალიან გახსნილი რესპონდენტები აღმოჩნდნენ და საინტერესო ისტორიები გვიამბეს. პრაქტიკული მუშაობის პროცესი ჩემთვის ძალიან საინტერესო და შედეგიანი იყო. ვისურვებდი, რომ სხვა სტუდენტებშიც გამოცდა ასეთი სტილით ტარდებოდა“, — განაცხადა თსუ-ის ქართული კონფლიქტის მიმართული სტუდენტების ლექტორმა ნინო ჟიჟიაშვილმა.

ახალბედა ქართული კონფლიქტის მიმართული სტუდენტებისთვის პროფესიული უნარ-ჩვევების გამომუშავების აუცილებლობაზე ისაუბრა ლექტორმა ნინო ჟიჟიაშვილმა.



„საგნის „კონფლიქტების გაშუქების“ გავლისას, რა თქმა უნდა, თეორიული ნაწილის სწავლა სტუდენტებისთვის აუცილებელია. მუშაობის პროცესში ელემენტარული ეთიკისა და უსაფრთხოების საკითხები მომავალმა ქართული კონფლიქტის ზონაში მუშაობისთვის აუცილებლად უნდა იცოდეს, თუმცა სულ სხვაა, როგორ ახორციელებს იგი თეორიულ ცოდნას პრაქტიკაში.“

მეოთხე კურსის პირველი სემესტრის განმავლობაში სტუდენტები სწავლობდნენ თეორიულ მასალას, ნახულობდნენ გამოცდილი ქართული კონფლიქტების რეპორტაჟებს — თუ როგორ გაშუქდა საქართველოში და ჩვენი ქვეყნის ფარგლებს გარეთ აგვისტოს კონფლიქტისას

მიმდინარე მოვლენები. ვინცეცდით მოქმედ ქართული კონფლიქტის და დისკუსიებს ვმართავდით. სემესტრის დასასრულს გადაწყვიტე სტუდენტებისთვის მიმეცა საშუალება, თავად გამოეცადათ — თუ რა სირთულეებთან არის დაკავშირებული კონფლიქტის ზონაში მუშაობა“, — განაცხადა ნინო ჟიჟიაშვილმა.

პრაქტიკული გამოცდა სტუდენტებისთვის მისაღები და საინტერესო აღმოჩნდა. მომავალი ქართული კონფლიქტის მიმართული სტუდენტებისთვის პროცესში პრაქტიკული ელემენტების შეტანა მათ დაეხმარებათ მუშაობის სანყის ეტაპზე გარკვეული ბარიერების გადალახვაში.

# საქართველოს შეიარაღებული ძალების გაერთიანებულ შტაბს უნივერსიტეტმა სხვადასხვა დასახლებების ათასამდე წიგნი არუქა

გასული წლის 29 ოქტომბერს საქართველოს შეიარაღებული ძალების გაერთიანებული შტაბის ვიცე-პოლკოვნიკმა ვლადიმერ ჩაჩიბაიამ თბილისის სახელმწიფო უნივერსიტეტის რექტორს, პროფესორ გიორგი ხუბუას ოფიციალური მიმართვა გაუგზავნა, სადაც მან საქართველოს თავდაცვის სამინისტროს ბიბლიოთეკისთვის ეროვნულ-პატრიოტული, შემეცნებითი, სასწავლო-მეთოდური, ტექნიკური, სამხედრო-ისტორიული და მხატვრული ლიტერატურის გადაცემა ითხოვა.

## შურთსია ბაროშვილი

როგორც ცნობილია, საქართველოში 2008 წლის აგვისტოში განვითარებული მოვლენების შედეგად მნიშვნელოვნად განადგურდა სამხედრო ნაწილებში არსებული წიგნები ფონდი. ვლადიმერ ჩაჩიბაიას ინციდენტით ფონდის განახლება დაიგეგმა. ვიცე-პოლკოვნიკმა ამ მიზნით სხვადასხვა ორგანიზაციებს, მათ შორის, ივანე ჯავახიშვილის სახელობის თბილისის სახელმწიფო უნივერსიტეტსაც მიმართა.

„სამხედრო მოსამსახურეების ეროვნულ-პატრიოტული სულისკვეთების გაღვივებისა და ინტელექტუალური დონის ამაღლების მიზნით საქართველოს თავდაცვის სამინისტროს დაქვემდებარებულ განყოფილებაში დაგეგმილია ბიბლიოთეკების გახსნა. საქართველოში განვითარებული მოვლენების შედეგად მნიშვნელოვნად განადგურდა სამხედრო ნაწილებში არსებული ისედაც მწირი ლიტერატურა. ზემოაღნიშნულიდან გამომდინარე,



გთხოვთ, დაგვეხმაროთ და ბიბლიოთეკების გახსნასთან დაკავშირებით გადმოგვცეთ შესაბამისი წიგნები ფონდი“, — აღნიშნავს ვლადიმერ ჩაჩიბაია ოფიციალურ მიმართვაში.

მისი ინფორმაციით, აღნიშნული ლიტერატურა განთავსდება თავდაცვის სამინისტროს დაქვემდებარებულ ქვედანაყოფების ბიბლიოთეკებში, რომელიც უახლოეს მომავალში გაიხსნება.

19 დეკემბერს თსუ-ის რექტორი გიორგი ხუბუა, უნივერსიტეტის ადმინისტრაციის ხელმძღვანელი გულნაზ გალდავა, თსუ-ის იურიდიული დეპარტამენტის ხელმძღვანელი ლელა ბენიძე და საუნივერსიტეტო

ბიბლიოთეკის დირექტორის მოადგილის მოვალეობის შემსრულებელი თამარ ნემსინვერიძე თავდაცვის სამინისტროს წარმომადგენლებს: გაერთიანებული შტაბის თავდაცვის ეროვნული აკადემიის პოლკოვნიკს, თავდაცვის სამინისტროს დავით აღმაშენებლის სახელობის განათლების დეპარტამენტის ხელმძღვანელს მამუკა გოგიტიძეს და მაიორ ზურაბ მჭედლიშვილს შეხვდნენ.

გიორგი ხუბუამ შეხვედრაზე განაცხადა, რომ ქართულ ჯარში დღეს მნიშვნელოვანი ცვლილებები მიმდინარეობს, რასაც სულ სხვა ინტელექტუალური რესურსი

სჭირდება. ამდენად უნივერსიტეტი მზად არის, საქართველოს შეიარაღებული ძალების გაერთიანებული შტაბის ვიცე-პოლკოვნიკის თხოვნა გაითვალისწინოს.

უნივერსიტეტის ხელმძღვანელობამ მზადყოფნა გამოთქვა საქართველოს შეიარაღებული ძალების გაერთიანებულ შტაბს დახმარება აღმოუჩინოს და გადასცეს საკმაოდ მდიდარი და მრავალფეროვანი წიგნები ფონდი.

საუნივერსიტეტო ბიბლიოთეკის დირექტორის მოადგილის მოვალეობის შემსრულებლის თამარ ნემსინვერიძის ინფორმაციით, ამ ეტაპზე შეიარაღებული ძალების გაერთიანებულ შტაბს უნივერსიტეტი სხვადასხვა დასახლებების ათასამდე წიგნი აჩუქებს, შემდგომში, ამ მიმართულებით, დახმარება კვლავაც გაგრძელდება.

უნივერსიტეტის ადმინისტრაციის ხელმძღვანელმა გულნაზ გალდავამ სამხედრო მოსამსახურეებს დახმარება და თანადგომა სხვა მიმართულებითაც აღუთქვა. ამ მიზნით გაიმართება საჯარო ლექციები, რომელზეც უნივერსიტეტის პროფესორ ლექციებს წაიკითხავს. „ჩვენი სტუდენტების უმეტესობამ უკვე გაიარა სარეზერვო სამსახური, მათგან ბევრი თქვენი მომავალი თანამშრომელი შეიძლება გახდეს. ამიტომ ჩვენი დახმარება ერთჯერადი არ იქნება. იმედი მაქვს, რომ მომავალში ჩვენს შორის ურთიერთთანამშრომლობა გაგრძელდება“, — განაცხადა გულნაზ გალდავამ შეხვედრაზე.

პოლკოვნიკმა მამუკა გოგიტიძემ და მაიორმა ზურაბ მჭედლიშვილმა საქართველოს შეიარაღებული ძალების გაერთიანებული შტაბის სახელით უნივერსიტეტის ხელმძღვანელობას მადლობა გადაუხადეს და აღნიშნეს, რომ ნაჩუქარი წიგნები სამხედრო ნაწილებში და თავდაცვის აკადემიაში გადანაწილდება.



# თსუ-ში ახლო აღმოსავლეთის ქვეყნებთან ურთიერთობის პერსპექტივებზე იმსჯელეს

ივანე ჯავახიშვილის სახელობის თბილისის სახელმწიფო უნივერსიტეტმა 2008 წლის 22 დეკემბერს საერთაშორისო კონფერენციას უმასპინძლა, რომელიც საქართველოსა და ახლო აღმოსავლეთის ქვეყნების ურთიერთობების კვლევას მიეძღვნა. სამეცნიერო კონფერენცია სამი დღის განმავლობაში გაგრძელდა. მოხსენებები ქართველ პროფესორებთან ერთად ირანელმა, ერაყელმა და აზერბაიჯანელმა მეცნიერ-მკვლევარებმაც წაიკითხეს. სამეცნიერო კონფერენცია — „საქართველო და ახლო აღმოსავლეთი – წარსული, აწმყო და მომავალი“ საქართველოს ხელისუფლების წარმომადგენლებმა გახსნეს.

## ნატო ოპოლაქი

საერთაშორისო სამეცნიერო კონფერენცია „რუსთაველის ფონდის“ ფინანსური მხარდაჭერით, ივანე ჯავახიშვილის სახელობის თბილისის სახელმწიფო უნივერსიტეტის და აღმოსავლეთისა და კავკასიის კვლევის ცენტრის ორგანიზებით გაიმართა. სამეცნიერო შეხვედრას საქართველოს ვიცე-პრემიერი გიორგი ბარამიძე, საქართველოს განათლებისა და მეცნიერების მინისტრის მოადგილე ნოდარ სურგულაძე, საქართველოს საგარეო საქმეთა მინისტრის მოადგილე დავით ჯალალონია და ირანის, ერაყისა და აზერბაიჯანის დიპლომატიური კორპუსის წარმომადგენლები დაესწრნენ. საქართველოსა და ახლო აღმოსავლეთის ქვეყნების შესახებ სამეცნიერო-კვლევითი მოხსენებების წაკითხვამდე პოლიტიკოსებმა ეკონომიკური, კულტურული და, ზოგადად, დიპლომატიური ურთიერთობების გაღრმავების შესახებ იმსჯელეს. საქართველოს გეოპოლიტიკური მდებარეობიდან და ქვეყანაში არსებული მძიმე პოლიტიკური ვითარებიდან გამომდინარე ქართველმა პოლიტიკოსებმა ახლო აღმოსავლეთის ქვეყნებთან მჭიდრო ურთიერთობების დამყარების აუცილებლობაზე ისაუბრეს.

„საქართველო არის ევროპული სახელმწიფო. ჩვენ მივიწინააღმდეგებოდეთ ევროპულ და ევროატლანტიკურ სტრუქტურებში, მაგრამ ეს არ ნიშნავს იმას, რომ მოვწყდეთ ახლო აღმოსავლეთის რეგიონს, რომელთანაც მრავალი საუკუნის განმავლობაში ინტენსიური კონტაქტები გვაკავშირებდა. რუსეთის აგრესიის მიუხედავად, ვაპირებთ და ვაგრძელებთ იმ რეფორმებს, რომელიც მიზნად ისახავს ქვეყანაში დემოკრატიის განმტკიცებას, ეკონომიკის განვითარებას, სხვადასხვა პოლიტიკური რეფორმების განხორციელებას. ეს ყველაფერი კი როგორც დასავლეთის სამყაროსთან, ასევე აღმოსავლეთის ქვეყნებთან მჭიდრო ურთიერთობების დამყარებას გვაკავშირებს. 2008 წლის აგვისტოს მოვლენების შემდეგ ახლო აღმოსავლეთის ქვეყნებისგან ჩვენ სერიოზული პოლიტიკური და ჰუმანიტარული დახმარება მივიღეთ. ისინი აღიარებენ საქართველოს ტერიტორიულ მთლიანობას, რასაც ჩვენ ძალიან ვაფასებთ“, — განაცხადა ვიცე-პრემიერმა გიორგი ბარამიძემ.

მჭიდრო პოლიტიკური, დიპლომატიური, სამეცნიერო და კულტურული ურთიერთობების დასაწყისი გახდება. საქართველოში ირანის სრულუფლებიანმა ელჩმა აბდულალი მაქთაბამა საქართველოსა და ირანის შორის პოლიტიკურ, კულტურულ თუ ეკონომიკურ სფეროებში აქტიური თანამშრომლობის დაწყების აუცილებლობა კავკასიის რეგიონში და, ზოგადად, მსოფლიოში მომძლავრებული კრიზისით ახსნა.

„ირანსა და საქართველოს შეუძლიათ, ბევრ სფეროში ითანამშრომლონ და ერთობლივი პროექტები განახორციელონ, მაგალითად, განათლებისა და მეცნიერების

ველოსა და ახლო აღმოსავლეთის ქვეყნების ურთიერთობის კვლევას ეძღვნებოდა. კონფერენციაზე განხილული სამეცნიერო ნაშრომები საქართველოს, ირანის, ერაყის, აზერბაიჯანის, ქუვეითის ისტორიას, რომელიც ამჟამინდელ მდგომარეობასა და ურთიერთობების გამყარების სამომავლო პერპექტივებს მოიცავს. მათ შორის აღსანიშნავია აღმოსავლეთმცოდნეობის მიმართულების პროფესორის გიული ალასანიას სამეცნიერო მოხსენება „1991 წლიდან დღემდე საქართველოსა და შუა აღმოსავლეთში არსებული ვითარების“ შესახებ, აზერბაიჯანის სახელმწიფო უნივერსიტეტის დოქ-



სფეროებში ერთმანეთს გამოცდილება გაუზიარონ. ჩვენ შეგვიძლია ვილაპარაკოთ უნივერსიტეტებს შორის გაცვლით პროგრამებზეც, შესაძლებელია საქართველოსთვის ნავთობისა და გაზის მინოდების საკითხის განხილვაც. ირანი წელიწადში 5 მილიონ კუბურ მეტრ გაზს მოიპოვებს და ამის რესურსი აქვს. ერთ-ერთმა ქართველმა პოლიტიკოსმა მითხრა, რომ საქართველოსთვის ირანის გაზის მარაგს ძალიან დიდი მნიშვნელობა აქვს. იმედი მაქვს, რომ ამ საერთაშორისო სამეცნიერო კონფერენციის ფარგლებში ყველამ მოგვეცემა საშუალება — განვიხილოთ არსებული პრობლემები და მათ მოგვარებას შევეცადოთ“, — განაცხადა საქართველოში ირანის სრულუფლებიანმა ელჩმა.

საერთაშორისო სამეცნიერო კონფერენციის ბოლო ორი დღე სამეცნიერო ნაშრომების განხილვას დაეთმო. ქართველმა და უცხოელმა მეცნიერ-მკვლევარებმა 29 მოხსენება მოიხმინეს, რომლებიც საქართველოში

ტორის ირანდა ბაგროვას ნაშრომი აზერბაიჯანსა და საქართველოში პირველი პოლიტიკური ორგანიზაციების ფორმირების საკითხებზე, თსუ-ის პროფესორის ხათუნა ბაინდურაშვილის კვლევა ქართლში ისლამის პოპულარიზაციის, ასევე ქრისტიანობისა და ისლამის განსაკუთრებული როლის შესახებ.

საერთაშორისო სამეცნიერო კონფერენცია „საქართველო და ახლო აღმოსავლეთი – წარსული, აწმყო და მომავალი“ პირველი საერთაშორისო კონფერენციაა, რომელიც საქართველოსა და ახლო აღმოსავლეთის ქვეყნების ურთიერთობების კვლევის განხილვას მიეძღვნა. სამეცნიერო კონფერენციის ორგანიზატორების გადაწყვეტილებით, თსუ-ში სამეცნიერო ღონისძიებაზე განხილული ნაშრომები სპეციალურ ფურნალში დაიბეჭდება, რომელიც საქართველოსა და საზღვარგარეთ სამეცნიერო და საგანმანათლებლო დაწესებულებებში გავრცელდება.

# თსუ-ში იაპონური ენის შემსწავლელი ცენტრი იხსნება

ივანე ჯავახიშვილის სახელობის თბილისის სახელმწიფო უნივერსიტეტში იაპონური ენის შესწავლის მიზნით, თსუ-ის ხელმძღვანელობის გადაწყვეტილებით და იაპონიის მთავრობის ფინანსური ხელშეწყობით, სტუდენტებისთვის იაპონური ენის სწავლების ცენტრი გაიხსნება.

## ნატო ოპოლაქი

ივანე ჯავახიშვილის სახელობის თბილისის სახელმწიფო უნივერსიტეტსა და იაპონიის მთავრობას შორის ურთიერთთანამშრომლობის მემორანდუმი 2008 წლის 24 დეკემბერს გაფორმდა. დოკუმენტზე ხელის მოწერის ცერემონიას თსუ-ის რექტორი გიორგი ხუბუა, ადმინისტრაციის წარმომადგენლები, პროფესორ-მასწავლებლები, საქართველოს განათლებისა და მეცნიერების მინისტრის მოადგილე ნოდარ სურგულაძე და იაპონიის სრულუფლებიანი და საანგელო ელჩი საქართველოში მასამიცუ ოკი დაესწრნენ.

„ივანე ჯავახიშვილის სახელობის თბილისის სახელმწიფო უნივერსიტეტსა და იაპონიის მთავრობას შორის გაფორმებული ურთიერთთანამშრომლობის მემორანდუმი საქართველოში იაპონური ენის სწავლებას მნიშვნელოვნად შეუწყობს ხელს. იმედი



მაქვს, რომ სასწავლო ცენტრის მოწყობისთვის აუცილებელი აღჭურვილობას, რომელიც უნივერსიტეტს გადმოეცემა, სხვა უნივერსიტეტების სტუდენტებიც გამოიყენებენ, რაც მათ იაპონური კულტურისა და ისტორიის გაცნობაშიც დაეხმარებათ“, — განაცხადა იაპონიის ელჩმა.

თსუ-ში იაპონური ენის შემსწავლელი ცენტრის მოსაწყობად იაპონიის მთავრობამ ივანე ჯავახიშვილის სახელობის თბილისის სახელმწიფო უნივერსიტეტს 18.7 მილიონი იაპონური იენი გადასცა.

იაპონური ენის შემსწავლელი სპეციალური ცენტრის შექმნა საქართველოში იაპო-

ნური ენის სპეციალისტების დეფიციტის გამო გადაწყდა. როგორც საქართველოს განათლებისა და მეცნიერების მინისტრის მოადგილე ნოდარ სურგულაძემ აღნიშნა, საქართველო იაპონიასთან როგორც პოლიტიკური, ასევე კულტურული ურთიერთობების დაწყებას გეგმავს.

„ქვეყანაში იაპონური ენის მცოდნეთა რიცხვი ძალიან დაბალია. ყველა ქვეყნის კულტურის განსახლება არის ენა. იაპონური ლიტერატურის ორიგინალში წაკითხვა უფრო მეტად დაგვეხმარება ამ ქვეყნის კულტურასთან ზიარებაში, იაპონელების მიღწევების გაცნობაში. მოგეხსენებათ, რომ იაპონია მსოფლიოში ტექნოლოგიების ერთ-ერთ ბუმბერაზ მწარმოებელს წარმოადგენს. ვფიქრობ, რომ იაპონური ენის ცოდნა ძალიან გამოგვადგება ამ ქვეყანასთან დაახლოებაში. პროექტი, რაც შეიძლება, მოკლე დროში განხორციელდება. ეს უკვე ტექნიკური დეტალებია, რომელსაც საქართველოსა და იაპონიის საელჩოები მოავგარებენ“, — განაცხადა საქართველოს განათლებისა და მეცნიერების მინისტრის მოადგილე ნოდარ სურგულაძემ.

ქართველი და იაპონელი პოლიტიკოსებისა და დიპლომატების განცხადებით, საქართველოში იაპონური ენის სპეციალისტების რიცხვის გაზრდა პოლიტიკურ ურთიერთობებს გააჯანსაღებს. ამავე დროს, თანამედროვე ტექნიკით აღჭურვილი

ცენტრის შექმნა სტუდენტებს ენის უკეთ შესწავლისა და მომავალში დასაქმების რეალურ პერსპექტივას შეუქმნის.

„უნდა ვაღიაროთ, რომ დღემდე იაპონიის უნივერსიტეტებთან ივანე ჯავახიშვილის სახელობის თბილისის სახელმწიფო უნივერსიტეტის თანამშრომლობა რეალური მოთხოვნილებების ადეკვატური წამდვილად არ იყო. დარწმუნებული ვარ, რომ იაპონური ენის შემსწავლელ ცენტრში სამეცნიერო თანამშრომლობაც ჩაეყრება საფუძველი, რაც იაპონიის სამეცნიერო, საუნივერსიტეტო და კულტურულ წრეებთან უფრო მჭიდრო ურთიერთობებს ჩამოაყალიბებს“, — განაცხადა თსუ-ის რექტორმა გიორგი ხუბუამ.

თსუ-ში იაპონური ენის შემსწავლელი ცენტრის გახსნა იაპონიის მთავრობის მიერ საქართველოში განხორციელებული უკვე მესამე პროექტია. 2000 წელს ხელი მოეწერა დოკუმენტს, რომლის თანახმადაც თბილისის საკონცერტო დარბაზის აღჭურვისთვის, გრანტის სახით, 49.7 მილიონი იენი გამოიყო. ძიუდოს დარბაზის აღსადგენად კი 2007 წელს 9.8 მილიონი იენი დაიხარჯა. ოფიციალური ინფორმაციით, იაპონიის მიერ საქართველოსთვის გაწეული ფინანსური დახმარება 150.4 მილიონ ამერიკულ დოლარს უტოლდება.



# სახალხო დამცველი უნივერსიტეტის სტუდენტებს შეხვდა

10 დეკემბერს ივანე ჯავახიშვილის სახელობის თბილისის სახელმწიფო უნივერსიტეტის მეორე კორპუსში სახალხო დამცველი სოზარ სუბარი სტუდენტებს შეხვდა. შეხვედრა პუბლიცისტურ მეცნიერებათა ფაკულტეტის მეოთხე კურსის სტუდენტის დიანა ლიპარტიელიანისა და ამავე ფაკულტეტის მეორე კურსის სტუდენტის სალომე სორდიას ორგანიზებით შედგა. ახალგაზრდებმა ომბუდსმენის უმაღლეს სასწავლებელში მონაწილეობა ადამიანის უფლებათა დეკლარაციის მიღებიდან 60 წლისთავს სპეციალურად დაამთხვიეს და სოზარ სუბარს „ვარდების რევოლუციამდე“ და რევოლუციის შემდგომ პერიოდში საქართველოში ადამიანის უფლებების დარღვევის ფაქტების შესახებ დაუსვეს კითხვები. კითხვებზე პასუხის გაცემამდე სახალხო დამცველმა თსუ-ის სტუდენტებს ადამიანის უფლებათა დეკლარაციის საერთაშორისო მნიშვნელობის, ომბუდსმენის ინსტიტუტის ჩამოყალიბებისა და მისი უფლება-მოვალეობების შესახებ ესაუბრა.

## ნატო მოკლავს

ადამიანის უფლებათა დეკლარაციის 60 წლისთავზე საქართველოში ადამიანის უფლებების დარღვევის ფაქტებზე სახალხო დამცველი თსუ-ის სტუდენტებს ესაუბრა. სახალხო დამცველთან შეხვედრას ივანე ჯავახიშვილის სახელობის თბილისის სახელმწიფო უნივერსიტეტის ექვსივე ფაკულტეტის სტუდენტები დაესწრნენ. ახალგაზრდებს ადამიანის უფლებების საყოველთაო დეკლარაციის მნიშვნელობაზე მეტად საქართველოში ამ დეკლარაციის დარღვევის გახშირებული ფაქტების შესახებ დამატებითი ინფორმაცია აინტერესებდათ. სოზარ სუბარმა სახალხო დამცველის ოფისის მიერ ჩატარებული ძიების შედეგები სტუდენტებს დანერგებით გააცნო და ომბუდსმენის ოფისის საინფორმაციო არქივში არსებული „ვარდების რევოლუციამდე“ და რევოლუციის შემდგომი პერიოდის ადამიანის უფლებების დარღვევის ფაქტებზე ისაუბრა. შეხვედრაზე დიდი დრო დაეთმო მესამე ხელისუფლების — სასამართლოს მნიშვნელობისა და საქართველოში მისი თავისუფლების ხარისხის შეფასებას, სასამართლო რეფორმის დადებითი და უარყოფითი მხარეების განხილვას.

ტიკური ინტერესებისაგან არ გათავისუფლდება. სახალხო დამცველის ოფისს, მედიას თუ არასამთავრობო ორგანიზაციებს შეუძლიათ კანონდარღვევებზე შესაბამისი ინფორმაცია გაავრცელონ და გარკვეული ზეგავლენაც მოახდინონ, თუმცა სასამართლოს სადამსჯელო ფუნქციის სამართლიანად განხორციელება ადამიანის უფლებების დარღვევის აღკვეთის გარანტიაა“, — განაცხადა სტუდენტებთან შეხვედრისას სოზარ სუბარმა.

სახალხო დამცველმა ომბუდსმენის უფლება-მოვალეობების შესახებ სტუდენტებს დანერგებითი ინფორმაცია მიანიჭა და ამ პოლიტიკური ინსტიტუტის საქართველოში ფუნქციონირების სირთულეებიც ახსნა. სოზარ სუბარმა განმარტა, რომ ქართველმა ომბუდსმენმა პოლიტიკური განცხადებების გაკეთების უფლება შეითავსა, რადგან განვითარებადი დემოკრატიის მქონე ქვეყანაში სახალხო დამცველის ინსტიტუტს დამატებითი პასუხისმგებლობა ეკისრება, რასაც ადამიანის უფლებების სისტემატური დარღვევები, სიტყვის თავისუფლების შეზღუდვა განაპირობებს.



გაუმართაობისა და პოლიტიკური სამართალდარღვევების ფაქტების გარდა, სახალხო დამცველმა ქართული მედიის თავისუფლების ხარისხზე და 7 ნოემბრის მოვლენების შესახებაც ისაუბრა. საქართველოში არსებული დემოკრატიის განვითარების უპირველეს პირობად კი არჩევნების სამართლიანად ჩატარება დაასახელა. „რევოლუცია ჩვენთვის მისაღები არ არის. მთავარია არჩევნები ჩატარდეს სამართლიანად. რაც შეეხება არჩევნების დანიშვნის თარიღს, ამას გადაწყვეტი მნიშვნელობა არ აქვს. არჩევნების დემოკრატიულად ჩატარებაში გარკვეული წვლილის შეტანა, როგორც დამკვირვებლებს, თქვენც შეეძლიათ. საქართველოს ექსპერტიზა უფრო მეტად უნდა დაეხმოს უფლებების თანახმად, სტუდენტი პოლიტიკური ბუნი არ უნდა იყოს, რასაც არ ვეთანხმები. სტუდენტმა ქვეყანაში მიმდინარე პოლიტიკური მოვლენებს აქტიურად უნდა ახდევოს თვალი და უნდა იფიქროს საკუთარი სამშობლოს მომავალზე, რადგან ქვეყნის ერთ-ერთი მამოძრავებელი ძალა და ახალი სასიცოცხლო მუხტის შემომტანი სწორედ სტუდენტობა არის“, — განაცხადა სახალხო დამცველმა. სახალხო დამცველთან შეხვედრის დას-

რულების შემდეგ სტუდენტებმა განაცხადეს, რომ სოზარ სუბარი მათთან გულახდილი იყო. „აუცილებელია, რომ სტუდენტებთან მსგავსი შეხვედრები სისტემატურად გაიმართოს, რადგან მნიშვნელოვანია, რომ ქვეყანაში მიმდინარე მოვლენების საქმის კურსში ჩვენც ვიყოთ“, — განაცხადა სოციალურ და პოლიტიკურ მეცნიერებათა ფაკულტეტის მესამე კურსის სტუდენტმა სალომე აჩბამ.

აღსანიშნავია, რომ ადამიანის უფლებათა დეკლარაციის მიღებიდან 60 წლისთავზე საქართველოში ადამიანის უფლებათა დაცვის სფეროში არსებული ვითარების შეფასების თვალსაზრისით თსუ-ის სტუდენტებმა ყველაზე კომპეტენტურად სახალხო დამცველი სოზარ სუბარი მიიჩნიეს და მისი უნივერსიტეტში მოწვევაც აქედან გამომდინარე გადაწყვიტეს. შეთანხმების თანახმად, სახალხო დამცველი ივანე ჯავახიშვილის სახელობის თბილისის სახელმწიფო უნივერსიტეტს სისტემატურად, თვეში ერთხელ ეწვევა და სტუდენტებთან საზოგადოებისთვის აქტუალურ თემებზე ისაუბრებს.

# უნდა დაინერგოს გასვლითი ლექციების გამართვის ტრადიცია

## მოგზაურობა ჭავჭავაძეში

ივანე ჯავახიშვილის სახელობის თბილისის სახელმწიფო უნივერსიტეტის ზუსტ და საბუნებისმეტყველო მეცნიერებათა ფაკულტეტზე უკვე ერთი წელია ფუნქციონირებს საბავშვო უნივერსიტეტი. საბავშვო უნივერსიტეტის მუშაობაში ჩართულია ფაკულტეტის ყველა მიმართულების პროფესორთა დიდი ნაწილი. საბუნებისმეტყველო მეცნიერებათა სხვადასხვა დარგის პროფესორებმა პოპულარულ თემებზე ლექციები დედაქალაქის საჯარო სკოლების მოსწავლეებს წაუკითხეს. ბიოლოგიის მიმართულებაზე რამდენიმე პრაქტიკული მეცადინეობაც ჩატარდა. მოსწავლეებმა აითვისეს კვლევის რამდენიმე მარტივი მორფოლოგიური და ფიზიოლოგიური მეთოდი, ჩატარეს ექსპერიმენტები. ამ მოკლე დროში ჩატარებულმა სამუშაოს ანაღზმა დაგვანახა, რომ საბუნებისმეტყველო მეცნიერებებისადმი ინტერესი საკმაოდ მაღალია. ამან კიდევ ერთხელ შეგვახსენა, რომ ყოველი დარგის განვითარებისთვის საკმარისი არ არის მხოლოდ

მატერიალურ-ტექნიკური ბაზის გაუმჯობესება და პროფესიონალი პედაგოგების მონაწილეობა. ეს პროცესი მნიშვნელოვანწილად დარგის პოპულარიზაციის ხარისხზეც არის დამოკიდებული. აქედან გამომდინარე, უნდა ვეცადოთ ამ მიმართულებითაც გავააქტიუროთ მუშაობა. გასათვალისწინებელია ისიც, რომ გარკვეული მიზეზების გამო საბავშვო უნივერსიტეტის მუშაობაში ვერ ერთვებიან ჩვენი ქვეყნის სხვადასხვა კუთხის მოზარდები. ეს სერიოზული პრობლემაა და თითოეული ჩვენი თავისი ბიოლოგიის და საზრუნავია. სწორედ ამიტომ, გადაწყვიტა, რომ ამ მიმართულებით გავააქტიუროთ საბავშვო უნივერსიტეტის მუშაობა. გამოითქვას მოსაზრება, რომ საბავშვო უნივერსიტეტში დაინერგოს გასვლითი ლექციების გამართვის ტრადიცია.

თავდაპირველად შევაჩერეთ ყურადღება საქართველოს უძველეს კუთხეზე — ჯავახეთზე და ვენვიეთ ახალქალაქის ილია ჭავჭავაძის სახელობის №3 საჯარო სკოლას. იგი ახალქალაქში ერთადერთი ქართული საბავშვო

სკოლაა და განთავსებულია მოსწავლეთა ყოფილი საერთო საცხოვრებლის შენობაში. მიუხედავად მძიმე პირობებისა (სახალხო ზონა, ეთნიკური მახასიათებელი, კლიმატი — ზამთარი 7-8 თვე გრძელდება და ყინვა — 30 გრადუსს აღემატება), სკოლა ყოველთვის ღირსეულად ეწეოდა საგანმანათლებლო მუშაობას. ეს იყო განათლების ერთადერთი კერა თითოეული მკვიდრი ქართველისა თუ არაქართველისთვის.

დღეს სკოლას, რომელსაც სულ 84 მოსწავლე ჰყავს (მათ შორის არიან სომეხი მოსწავლეებიც), ხელმძღვანელობს მონოდებით პედაგოგი, ჭეშმარიტი მამულიშვილი, ქალბატონი ლევა ჭინჭარაული, რომელიც თბილისიდან წავიდა ჯავახეთში და ძალ-ღონეს არ იშურებს, რომ შეინარჩუნოს ცოდნის ეს კერა. ქალბატონი ლევა ამ ურთულეს საქმეს კუმურდოსა და ახალქალაქის მატროპოლიტის ნიკოლოზის ლოცვა-კურთხევით და მხარდაჭერით უძღვება. ნათელია, რომ ახალქალაქში ერთადერთი მცირეკონტინგენტიანი ქართული სკოლის შენარჩუნებისთვის სრულიად საქართველოს მოსახლეობის მხარდაჭერაც არის აუცილებელი. სწორედ ამ მიზნით, გადაწყვიტა, რომ პირველი გასვლითი ლექცია აღნიშნულ სკოლაში ჩავეტარებინა. შეხვედრა მიმდინარე წლის ნოემბერს

შეგდა. სხვადასხვა ასაკის მოსწავლეებმა მოსმინეს ლექცია თანამედროვე ბიოლოგიის ერთ-ერთ ყველაზე აქტუალურ საკითხზე. ლექციის თემა იყო: „გენური ინჟინერია, პრობლემები, პერსპექტივები“. შეხვედრამ დაგვანახა, რომ ჩვენი მომავალი თაობის ეს მცირე, მაგრამ საქართველოს უმეორესი ნაწილი განსაკუთრებულ ყურადღებას და სიბრძნის საჭიროებს. მათთან პირადი საუბრებიდან გაირკვა, რომ ინტერესი არის, მაგრამ შესაძლებლობა — მიიღონ დამატებითი ინფორმაცია საბუნებისმეტყველო მეცნიერებების განვითარების შესახებ, მნიშვნელოვანია მათ დედაქალაქში ჩამოსვლა არ შეუძლიათ, თუმცა სურვილი დიდი აქვთ. იმედი გვაქვს, რომ ამ და ჩვენი სამშობლოს სხვა, მრავალ კუთხეში მცხოვრებ მომავალ თაობასთან შეხმიანების, თანადგომის და ურთიერთობის სურვილს კიდევ არაერთი ჩვენი კოლეგა გამოთქვამს და საბავშვო უნივერსიტეტის ეს სასიკეთო და მამულიშვილური ნამოწყება სულ მალე ტრადიციად იქცევა.

დიანა ძიძიკური  
ზუსტ და საბუნებისმეტყველო მეცნიერებათა ფაკულტეტის პროფესორი, ბიოლოგიის მეცნიერებათა დოქტორი
















სულ ახლახან, ამერიკის შეერთებული შტატების ეროვნულ საინჟინრო აკადემიაში 18 ყველაზე ცნობილი მოაზროვნე აირჩიეს, ვისაც იმ მნიშვნელოვანი სამეცნიერო-ტექნიკური პრობლემების სია უნდა შეექმნა, რის წინაშეც კაცობრიობა XXI საუკუნეში დადგება...


ინტერნეტ-გიგანტმა, კორპორაცია Google-მა ახალი, ამჯერად სამედიცინო სერვისი — Google Health შექმნა. ახლა ნებისმიერ ადამიანს შეუძლია საკუთარი პროფილი შექმნას და თავისი სამედიცინო დოკუმენტები აქ შეინახოს...

სამხრეთ კორეის უნივერსიტეტის „იონსე“-ში მოღვაწე ბიოლოგებმა შექმნეს ხელოვნური ვირუსი, რომელსაც კიბოს უჯრედებში შეღწევა და ანტიბიოტიკული საშუალებების წამლისა და გენების შეტანა შეუძლია...

Nasa-ს მეცნიერებმა შექმნეს დედამიწის ვიდეოჩანაწერი იმ რაკურსით, რომლის აღქმასაც კოსმოსიდან პიპოთეტური უცხოპლანეტელები შეძლებენ. ეს ფილმი იმ ცალკეული, სტატიკური ფოტოებისგან შედგება...



ვარშავის ავტომატიკისა და განზომილებების სამრეწველო ინსტიტუტის /PIAP/ სპეციალისტებმა წარმოადგინეს მცირე ზომის რობოტი, რომელიც ცოცხალი სადაზვერვო ამოცანის შესასრულებლად და მონინალმდებზე ფსიქოლოგიური ზემოქმედების მოსახდენადაა შექმნილი...




ამერიკელმა მეცნიერებმა ერთ-ერთ ჟურნალში გამოაქვეყნეს სტატია, სადაც ასახულებენ, რომ გლობალური დათბობის შედეგად, ატლანტიკის ოკეანეს, მექსიკის ყურესა და კარიბის ზღვაში წარმოქმნილი ქარიშხლების რაოდენობა მნიშვნელოვნად შემცირდება...

ამერიკელმა მეცნიერებმა პასუხი გაცეს შეკითხვას — თუ რატომ აქვთ ადამიანებსა და პრიმატებს შედარებით დიდი თავი და დასახუთეს, რომ სიცოცხლის ხანგრძლივობა სწორედ ტვინის ზომაზე დამოკიდებულია...



რადგან მკვლევართა აზრით, დატყვევებული ცხოველები, როგორც წესი, უფრო სწრაფად იზრდებიან. მეცნიერებმა განაცხადეს, რომ დამატებითი „ტვინის რეზერვები“ საშუალებით ცხოველები მოიპოვებენ საკვებს...

მთავარი რედაქტორი ნინო კაკულია
მთავარი სამცხალისტი მანანა ჯურხაძე
ტექნიკური რედაქტორი მანანა ჯურხაძე
ფოტოკორექტორი ლიკა პეტრიაშვილი
კომპიუტ. უზრუნველყოფა თამარ ქავჭარაძე




მეცნიერები იმედოვნებენ, რომ იგი მათ დედამიწის მსგავსი პლანეტების ძებნაში დაეხმარება. კვლევის უმთავრესი ორიენტირი დედამიწის ზედაპირზე არეკლილი მზის სხივები გახდება...

მგრძნობიარე რობოტები კარგა ხანია აღარავის უკერს, მაგრამ ევროპულ მეცნიერთა პროგრამის Feelix Grawing-ის საშუალებით ავტომატურად ადამიანებს შეუძლიათ ზუსტად გამოიციონ ჩვეულებრივი ადამიანი „როდის არის დარდიანი, ბედნიერი ან განანყენებული“...



ბრიტანელმა არქეოლოგებმა ბოლოს და ბოლოს აღმოაჩინეს ის ადგილი, სადაც შექსპირის შემოქმედებითი გზა დაიწყო. ნანგრევები შენობისა, რომელსაც მოკრძალებული სახელი „თეატრი“ ჰქვია, ლონდონის შემოგარენში მოიძებნა...



მასალა მოამზადა მანანა მიქელაძემ

რედაქციის მმართველი: ნოდარ ბელქანია, გია მაჩაბელი, ზაზა ფირალიშვილი, ვახტანგ გურული, ნინო ჩიხლაძე, ნანა ჭილაძე, ნოდარ ხაღური, თემურ ნადარეიშვილი
მისამართი: ილია ჭავჭავაძის გამზ. 11\* (თსუ-ის მე-3 კორპუსი)
22 36 62